

MARKAÐURINN

Miðvikudagur 21. apríl 2021

16. tölublað | 15. árgangur

FYLGIRIT FRÉTTABLAÐSINS UM VIÐSKIPTI OG FJÁRMÁL

 ROLEX	 TUDOR		<p>Verið velkomin í glæsilega verslun okkar á Hafnartorgi</p> <p>MICHELSEN 1909</p> <p>Hafnartorg - 511 1900 - michelsen.is</p>
 TAG Heuer	 LONGINES		
 NOMOS GLASHÜTTE	 TISSOT		

Eignatengsl greind nánar

Samkeppniseftirlitið vinnur nú að því að kanna betur stjórnunar- og eignatengsl í atvinnulífinu og hefur leitað til fræðimanna og annarra ráðgjafa.

2

Seldi fyrir tvo milljarða í Kviku

Félög í eigu Guðbjargar Matthíasdóttur, aðaleigenda Ísfélagsins, hafa minnkað verulega hlut sinn í Kviku. Seldu fyrir tvo milljarða og keyptu í Símanum.

2

Likur á hjöðnun verðbólgu

Greinendur vænta hjöðnandi verðbólgu en óvissuþættir vofa yfir. Seðlabankinn ekki líklegur til að bregðast við óhagfelldri þróun með snemmbúinni hækkun vaxta.

6

Samhljómur AGS og SI

AGS segir umbóta þörf á vinnu- markaði svo Ísland standi betur að vígi í alþjóðlegri samkeppni og styðji við vöxt hugverkaiðnaðar í stað þess að hefta hann.

7

Ósanngjarnar byrðar

Til að forðast megi íþyngjandi skattahækkanir kemur fátt annað til greina en aukin hagræðing og árangurstenging ríkisfjármála, segir hagfræðingur SA.

7

Umræðan byggir ekki á staðreyndum

Vandinn er að verkalýðshreyfingin hafnar efnahagslegum veruleika. Launahækkanir umfram framleiðniaukningu leiða til verðbólgu og gengisfalls. Þetta segir Þorsteinn Víglundsson, forstjóri Hornsteins. ➔4



Gengisstöðugleiki næst aðeins í gegnum breytt vinnubrögð á vinnumarkaði.

FRÉTTABLAÐID/ERNIR

Optical Studio
SMÁRALIND • HAFNARTORG • LEIFSSTÖÐ • KEFLAVÍK

Gleðilegt sumar

20% afsláttur af öllum sólgleraugum í dag

*GUCCI



Íslandssjóðir fjárfestu fyrir 400 milljónir í Play

Sjóðir í stýringu Íslandssjóða, dótturfélags Íslandsbanka, lögðu hinu verðandi flugfélagi Play til jafnvirði um 400 milljóna íslenskra króna í hlutfjárútboðinu sem lauk fyrir í þessum mánuði. Eignarhlutur Íslandssjóða, samkvæmt heimildum Markaðarins, í Play verður í kjölfarið um fimm prósent.

Íslandssjóðir komu að hlutfjárútboðinu á lokametrunum í síðustu viku, nokkrum dögum eftir að það hafði í reynd formlega klárast, en heildarstærð þess reyndist að lokum vera rúmlega 47 milljónir Bandaríkjadala, jafnvirði um sex milljarða íslenskra króna. Félagið áformar, eins og Markaðurinn hefur áður sagt frá, að afla sér um 20 milljóna dala til viðbótar með almennu útboði samhliða skráningu á First North-markaðinn í Kauphöllinni í júní næstkomandi.

Stærstu fjárfestarnir í nýafstöðnu, lokuðu hlutfjárútboði Play, sem Arctica Finance hafði umsjón með, voru hins vegar fjárfestingafélagið Fiskisund, sem Einar Örn Ólafsson, fjárfestir og nýr stjórnarformaður Play, fer fyrir og lífeyrissjóðurinn Birta. Fjárfesting þeirra nam tæplega milljarði króna, hvors um sig.

Aðrir helstu hluthafar Play eru fjárfestingafélagið Stodir, sem skræði sig fyrir rúmlega 600 milljónum í útboðinu, tryggingafélagið VÍS og sjóðir í stýringu Akta. Eignarhlutur annarra fjárfesta sem komu að útboði Play, eins og eigenda Langasjós, sem á heildverslunina Mata og fjárfestingafélagið Brimgarða, og lífeyrissjóðsins Lífsverks var hins vegar litlu minni.

Í hópi einkafjárfesta sem bættust við hluthafahóp Play eru einnig félög í eigu Kristjáns M. Grétarsónar, eins hluthafa í Keahótelum, og bræðranna Björns Ólafssonar, framkvæmdastjóra ferðapjónustufyrirtækisins Þríhnjúkagígs, og Sigurðar Ólafssonar, framkvæmdastjóra hjá Grósku hugmyndahúsi í Vatnsmýrinni, en það er einkum í eigu fjárfestingafélagsins Novator.

Þá fjárfesti Guðmundur Þórðarson, stór hluthafi í Kviku og varaformaður stjórnar bankans, sömu leiðis í Play í útboðinu, samkvæmt heimildum Markaðarins.

Á hluthafafundi Play mánudag-



Birgir Jónsson, nýr forstjóri Play.

6

milljarðar var heildarstærð hlutfjárútboðs Play.

inn 12. apríl síðastliðinn, þar sem meðal annars var kjörin ný stjórn og gengið frá ráðningu Birgis Jónssonar sem forstjóra, var samþykkt að breyta 10 milljóna dala skuldbindingu Play við eignarhaldsfélagið FEA, sem Elías Skúli Skúlason hefur einkum farið fyrir, í hlutfé. Félagið FEA er stærsti hluthafi Play eftir útboðið með um fimmtungshlut.

Í skýrslu sem var lögð fyrir hluthafafundinn kemur fram að FEA hafi fjármagnað rekstur Play með vaxtalausum lánveitingum frá því í desember 2019. Nokkrum mánuðum síðar varð FEA eigandi alls hlutfjár í Play. Við mat á því hvort verðmat þeirra greiðslna sem FEA hefur ráðstafað til Play sé í samræmi við endurgjald, var horft til virðismats á flugfélaginu. Það mat byggir á áætlunum félagsins eins og þær voru lagðar fram af stjórnendum þar sem gert er ráð fyrir að Play byrji að flytja sína fyrstu farþega síðar á þessu ári.

Play hefur þegar tryggt sér þrjár Airbus A321 leiguflugvélar til þess að hefja áætlunarflug til vinsælla áfangastaða íslenskra ferðamanna. Þá gera áætlanir Play ráð fyrir því að flugvélafloti félagsins stækki í sex til átta þotur vorið 2022 og verði kominn í yfir tíu vélar á árinu 2023. – hae



Páll Gunnar Pálsson, forstjóri SKE, en niðurstaða eftirlitsins verður aðgengileg á komandi vikum. FRÉTTABLAÐIÐ/EYÐÓR

Vill greina eignatengsl í atvinnulífinu nánar

Samkeppniseftirlitið kannar nú stjórnunar- og eignatengsl milli fyrirtækja og hefur leitað til fræðimanna og ráðgjafa. Verkalýðshreyfingin gagnrýndi skort á eftirliti með þessum þætti. Mikilvægt til að takmarka stórar áhættur í bankakerfinu.

Samkeppniseftirlitið (SKE) hefur hrundið af stað vinnu í því skyni að greina nánar stjórnunar- og eignatengsl milli fyrirtækja í íslensku atvinnulífi.

Í skýrslu sem sérfræðingahópur verkalýðshreyfingarinnar gaf út í janúar á þessu ári, í tengslum við sölu ríkisins á Íslandsbanka, voru settar fram efasemdir um getu íslenskra eftirlitsaðila til að fylgjast með flóknum og földum eignatengslum í hagkerfinu en sá þáttur væri einna mikilvægastur til að takmarka stórar áhættuskuldbindingar í bankakerfinu og lán til tengra aðila. Í hópi þeirra sem stóðu að skýrslunni var Guðrún Johnsen, lektor við Viðskiptaháskólann í Kaupmannahöfn og efnahagsráðgjafi VR, en hún er nú á meðal þeirra sem Samkeppniseftirlitið hefur leitað til vegna þessarar vinnu.

Í svari við fyrirspurn Markaðarins um málið segir Samkeppniseftirlitið að það sé núna með í undirbúningi að taka saman heildstærðar upplýsingar um eftirlit og aðgerðir er varða stjórnunar- og eignatengsl á undanliðnum árum.

Þá segist Samkeppniseftirlitið einnig vera að leita leiða til að

» Samkeppniseftirlitið er að leita leiða til að styrkja yfirsýn yfir stjórnunar- og eignatengsl í íslensku atvinnulífi.

styrkja yfirsýn yfir stjórnunar- og eignatengsl, til viðbótar og fyllingar við það eftirlit og aðgerðir sem birst hafa í ákvörðunum stofnunarinnar. „Við þessa vinnu er eftirlitið að leita til annarra stofnana sem búa yfir upplýsingum um eða fylgjast með atvinnulífinu. Jafnframt hefur eftirlitið leitað til fræðimanna sem hafa skoðað þessi mál, auk annarra ráðgjafa, til dæmis á sviði hugbúnaðar,“ segir í svari Samkeppniseftirlitsins. Á meðal þeirra stofnana sem óskað hefur verið eftir upplýsingum frá að undanföru er Seðlabankinn.

Að sögn eftirlitsins er gert ráð fyrir því að „niðurstaða og framvinda þessarar vinnu verði gerð aðgengileg á komandi vikum.“

Í 8. grein laga um Samkeppniseftirlitið er meðal annars kveðið á um að eitt af meginhlutverkum þess sé að „fylgjast með þróun á samkeppnis- og viðskiptaháttum á einstökum mörkuðum í íslensku viðskiptalífi og kanna stjórnunar- og eignatengsl

á milli fyrirtækja.“ Þetta skuli gert til að meta hvort í viðskiptalífinu sé að finna „einkenni hringamyndunar, óæskilegra tengsla eða valdasambjöppunar sem takmarkað geta samkeppni.“

Í fyrrnefndri skýrslu sérfræðingahóps verkalýðshreyfingarinnar var gagnrýnt að ekki væri að finna neinar útgáfur um þennan þátt Samkeppniseftirlitsins, eins og kveðið væri á um í lögnum, síðan frá því í maí 2001.

„Fjármálaeftirlitið virðist ekki standa Samkeppniseftirlitinu þar frammar, sem þó hefur skýra laga-skyldu til að halda úti reglulegri skýrslugjöf, sem ekki hefur verið sinnt. Skortur á skýrslum Samkeppniseftirlitsins um þennan þátt ætti einnig að standa Fjármálaeftirlitinu fyrir þrifum hvað eftirlit með krosseignatengslum, lánnum til tengra aðila og stórum áhættuskuldbindingum, áhrærir,“ sagði í skýrslunni.

Ein af helstu breytingunum sem hafa verið gerðar á regluverki um starfsemi fjármálaeftirlitækja í kjölfar falls fjármálaeftirlitsins 2008 er að búið er að herða verulega á kröfum til virkra eigenda og takmarka mjög útlán til þeirra og tengdra aðila. hordur@frettabladid.is

MARKAÐURINN

ÚTGÁFUFEÐLAG Torg., Kalkofnsvegur 2, 101 Reykjavík, sími 550 5000

Netfang ritstjorn@markadurinn.is | Sími 550 5051


Ritstjóri Hörður Egiðsson hordur@frettabladid.is

Ábyrgðarmaður Kristín Þorsteinsdóttir

Netfang auglýsingadeildar auglysingar@frettabladid.is Veffang frettabladid.is

Við hefjum þig upp til skýja

Skráðu þig í áskrift að viðskipta- og bókhaldslausnum hjá Wise



Microsoft Dynamics 365 Business Central



Seldi fyrir yfir tvo milljarða í Kviku

Félög í eigu Guðbjargar Matthíasdóttur og fjölskyldu, aðal-eigenda Ísfélagsins í Vestmannaeyjum, minnkuðu verulega eignarhlut sinn í Kviku í byrjun síðustu viku þegar hún seldi í einum viðskiptum bréf í bankanum fyrir jafnvirði rúmlega tveggja milljarða og keypti á sama tíma í Símanum fyrir um milljarð.

Viðskiptin fóru fram fyrir opnun hlutabréfamarkaða síðastliðinn mánudag en hluturinn sem var seldur í Kviku, samtals 100 milljónir hluta að nafnverði sem jafngildir um tveggja prósentu eignarhlut í bankanum, hafði verið í gegnum framvirka samninga hjá Íslandsbanka, samkvæmt heimildum Markaðarins.

Salan í Kviku kemur skömmu eftir að samruninn við TM gekk formlega



Guðbjörg Matthíasdóttir, aðal-eigandi Ísfélags Vestmannaeyja.

í gegn undir lok síðasta mánaðar, þar sem hluthafar TM fengu greitt með bréfum í Kviku, en Guðbjörg hafði verið einn stærsti hluthafi TM um nokkurt skeið.

Þrátt fyrir söluna er hins vegar ljóst að Guðbjörg fer enn með umtalsverðan hlut í sameinuðu félagi Kviku og TM, bæði í gegnum félagin ÍV fjárfestingafélag og Kristinn ehf. – samanlagt fara þau félög með meira en eins prósentu hlut í Kviku – og eins framvirka samninga. Á meðal þeirra fjárfesta sem

keyptu stóran hluta bréfanna í Kviku af Guðbjörgu í viðskiptunum í liðinni viku voru sjóðir í stýringu Akta.

Fram kom í kynningum stjórnenda TM og Kviku, þegar samruninn var samþykktur af hluthófum undir lok marsmánaðar, að áhrif vegna bæði tekju- og kostnaðarsamlegðar séu talin geta numið allt að 3 milljörðum króna. Hlutabréfaverð Kviku hefur hækkað mikið á síðustu vikum og mánuðum – frá áramótum nemur hækkunin 26 prósentum – en markaðsvirði félagsins er í dag um 102 milljarðar.

Með kaupum Guðbjargar á sama tíma í Símanum fyrir um milljarð króna, sem jafngildir um 1,3 prósentu hlut, eru félög í hennar eigu komin í hóp tuttugu stærstu hluthafa fjarskiptarisans. – hae

LARSON ÁLKLÆÐNINGAR



Með samsettu Larson áklæðningunum frá Alucoil færð þú það sem þú ert að leita að - slétta áklæðningu sem lítur ekki út eins og sjórekin olíutunna.

Larson áklæðningarnar sameina styrk, léttleika og umfram allt eru þær sléttar.

Helstu kostir:

- Eldþolnar
- Léttar og sléttar
- Einstakt veður- og efnaþol
- Burðarkerfi sem henta mismunandi verkefnum
- Hávaða- og hitaeinangrun
- Umhverfisvænar (endurvinnanlegt efni)
- Fjöldi lita og efnisáferða
- Allt að 20 ára ábyrgð

CE - merkt framleiðsla



IDEX

idex.is - sími: 412 1700

IDEX IÐNAÐAR- OG BÍLSKÚRSHURÐIR



Iðnaðar- og bílskúrshurðir úr áli



CE - merkt framleiðsla

- yfir 30 ára reynsla á Íslandi
- hurðir úr áli — engin ryðmyndun
- hámarks einangrun
- styrkur, gæði og ending — langur líftími

- háþrúð tækni og meira öryggi
- möguleiki á ryðfríri útfærslu
- lægri kostnaður þegar fram líða stundir

Sveigjanlegar lausnir og fjölbreytilegt útlit hentar mismunandi tegundum bygginga.

Byggðu til framtíðar
með hurðum frá IDEX

IDEX

idex.is - sími: 412 1700



„Það var sárt á sínum tíma að missa fyrirtækið,“ segir Þorsteinn. „En það er ekki heilbriggt að lifa í fortíðinni eða horfa sífellt til baka til einhvers sem ekki er hægt að breyta.“ FRÉTTABLAÐID/ERNIR

Forystan hafnar efnahagslögmálum

Verkalýðshreyfingin hafnar efnahagslegum veruleika í kjaraviðræðum, segir forstjóri Hornsteins. Stöðugleiki krónu eða upptaka evru byggir á því að launahækkningar séu í takt við svigrúm. Byggingargeirinn hafi sjaldan lent jafn mjúklega í niðursveiflu.

Helgi Vífill
Júliusson
helgivifill@frettabladid.is



Umræða verklýðshreyfingarinnar byggir ekki á gögnum eða staðreyndum heldur oft tilfinningahlöðnum staðhæfingum.

Byggingargeirinn hér á landi sveiflast á tvöföldum eða þreföldum hraða á við hagsveifluna. Þrátt fyrir mikinn samdrátt í efnahagslífinu á undanförunum þrettán mánuðum er íbúðamarkaður í meira jafnvægi en oft áður. Þetta segir Þorsteinn Víglundsson, forstjóri Hornsteins, móðurfélags BM Vallár, Sementsverksmiðjunnar og Björgunar. „Sjaldan hefur byggingargeirinn lent jafn mjúklega í niðursveiflu og nú,“ segir hann. Hagkerfið dróst saman um tæp sjö prósent á árinu 2020 sem rekja má til COVID-19 heimsfaraldursins en Seðlabankinn hefur sagt að byggingargeirinn hafi ekki orðið fyrir miklum skakkaföllum og fjöldi starfa haldist nokkuð stöðugur síðustu misseri.

Bremsuförin ná aftur til 2018

„Mikið var byggt af íbúðum á árinu 2018 og inn á árið 2019 en verktakar drógu úr framkvæmdum þegar þeir tóku að merkja að hagkerfið væri farið að kólna síðla árs 2018. Það má því segja að bremsuförin ná aftur til ársloka 2018 en nú sjást skýr merki um vöxt á nýjan leik,“ segir Þorsteinn.

Afhverju segir þú að byggingarmarkaðurinn sé í meira jafnvægi en oft áður?

„Horft til fjölda íbúða í byggingu miðað við lýðfræðilega þróun hefur jafnvægið verið óvenju gott undanfarin ár. Það hafa verið framleiddar um tvö þúsund íbúðir að meðaltali á ári undanförunum en á höfuðborgarsvæðinu sem er í samræmi við

árlega þörf. Nú eru um 4.600 íbúðir í byggingu eða sem nemur liðlega tveggja ára þörf.

Það er ekkert launungarmál að það er mikil spennan á markaðnum. Hún helgast af vaxtalækkun Seðlabankans og eftirspurnarhlíðrun. Það tekur tíma að aðlagast breyttum aðstæðum. Við þær aðstæður þurfa verktakar að hafa varann á. Sú hlíðrun á eftirspurn þarf ekki að tákna að neyslumynstrið hafi breyst varanlega. Það má færa rök fyrir því að ungt fólk komi fyrr inn á íbúðamarkaðinn en ella í ljósi vaxtalækkana en til lengdar ræður fólksfjöldapróunin sem hefur lítið breyst.

Aukin sókn fyrstu kaupenda hefur leitt til þess að leiguverð hefur farið lækkandi. Það þarf þó að hafa í huga að stýrivextir verða ekki 0,75 prósent til lengdar. Verðbólga er rúmlega fjögur prósent. Í því ljósi mun Seðlabankinn ekki halda vöxtum svo lágun lengur en nauðsyn krefur vegna heimsfaraldursins. Þegar hagkerfið fer að sýna merki um vöxt á nýjan leik er viðbúið að stýrivextir hækki þótt vonandi verði vaxtastigið lægra en verið hefur hér á landi. Fólk ætti að varast of mikla skuldsetningu við íbúðakaup við þessar kringumstæður.

Að þessu sögðu er ánægjulegt að sjá – en ég kom að þeirri vinnu þegar ég var framkvæmdastjóri Samtaka

Kolefnishlutlaus árið 2030

Hornsteinn stefnir á að starfsemin verði kolefnishlutlaus árið 2030. „Á heimsvísu eru 35 til 40 prósent af kolefnisfótspori heimsins frá byggingariðnaði. Það má að miklu leyti rekja til sements- og stáliðnaðar. Það verður mikil áskorun fyrir okkur að verða kolefnishlutlaus árið 2030. Við höfum ekki kortlagt alla leiðina að markmiðinu en teljum okkur sjá til lands með 60 prósent af núverandi losun.“

Hvernig hyggist þið draga úr losun kolefnis?

„Þetta er langhlaup þar sem ráðist er að öllum póstum. Stór þáttur er sementið sjálft. Við horfum til þess að skipta yfir í sement með lægra kolefnisspori

en er nýtt í dag. Birgirinn okkar í Noregi tekur þátt í einu stærsta niðurdælingarverkefni á koltvísýringi í norðanverðri Evrópu sem mun helminga kolefnispor framleiðslunnar. Þetta snýr einnig að því magni af sementi sem verið er að nota. Það þarf að huga meira að kolefnispori þegar verið er að hanna og byggja húsnæði án þess þó að fórn gæðum. Við höfum ekki aðlagð hönnun mannvirkja nægjanlega þeim kröfum sem loftlagsmálin gera til okkar. Við munum einnig draga úr kolefnisporinu með orkuskiptum í flutningum, til dæmis með vetni. Þróunin á því sviði er hröð. Okkur tókst að minnka kolefnisporið um tæp 5 prósent á síðasta ári.“

atvinnulífsins og þann stutta tíma sem ég var félagsmálaráðgjafi – að sveitarfélögin á höfuðborgarsvæðinu eiga í betra samstarfi um skipulag og lóðaframboð en áður. Í skipulagsáætlun kemur fram hvert framboðið þeirra á lóðum er til ársins 2024. Ég vonast til að það dragi úr sveiflum.“

Róttin er vinnumarkaðurinn

Hvað er hægt að gera til draga úr sveiflum í byggingargeiranum?

„Grunnvandinn er sá að hagkerfið er of sveiflukennt. Jafn miklar sveiflur þekkjast ekki á öðrum Vesturlöndum. Gjaldmiðillinn ykir sveiflurnar, krónan hefur tilhneigingu til að styrkjast um of í uppsveiflu og falla hratt í niðursveiflu, en rót vandans liggur á vinnumarkaði. Frá þjóðarsáttinni fyrir um þremur áratugum hafa laun héraðs hækkað riflega tvö-

stjórinni því launahækkningar voru langt umfram framleiðaukningu. Þess vegna sat Seðlabankinn uppi með þann Svarta-Pétur að reyna að halda verðbólgu í skefjum með því að beita stýrivöxtum. Það gekk ekki vel.

Lítið til baka, röskum áratug eftir hrun, erum við að gera sömu mistök: Ríkisútgjöld hafa þanist út í góðæri og launahækkningar hafa verið með svipuðum hætti og þær voru áratuginn í aðdraganda bankahruns. Við virðumst því lítið hafa lært.

Tvennt hefur þó breytt miklu frá þeim tíma. Annars vegar nálgast Seðlabankinn hlutverk sitt með öðrum hætti því hann beitir fleiri tækjum til að stemma stigu við verðbólgu en stýrivöxtum. Hins vegar skipti gjaldeyrisóflun ferðabjónustu sköpum. Ferðabjónustan dró hagkerfið upp úr kreppu eftir bankahrunið og skaut nýjum fæti undir gjaldeyrislöppun fyrir þjóðarbúið. Sú gjaldeyrislöppun leiddi til jákvæðs viðskiptajöfnuðar sem gerði það að verkum að svigrúm skapaðist fyrir launahækkningar. Aftur á móti reyndust þær hækkningar ferðabjónustunni þungbærar. Það má spyrja sig hve sjálfbær viðskiptajöfnuðurinn er ef atvinnugreinin, sem á mestan þátt í að skapa hann, er sjálf rekin með tapi. Það er óljóst hver samkeppnishæfni hennar er nú enda hefur ekki reynt á hana í þrettán mánuði vegna COVID-19.“

Launaskrið vegur að krónu

Fyrst þú nefnir gjaldmiðilinn. Ef við værum með evru hefði verkalýðshreyfingin orðið að horfa upp á aukid atvinnuleysi samhliða hratt hækkanum launum. Hefði það komið henni betur í skilning um samhengi hlutanna?



Nafni Borgunar var breytt í Salt Pay eftir sölu fyrirtækisins í fyrra.

Salt Pay sagði upp 50 manns

Síðasta hópuppögn færsluhirðisins Salt Pay, sem áður gekk undir nafninu Borgun, náði til ríflega 50 starfsmanna samkvæmt heimildum Markaðarins.

Greint var frá uppsagnahrinunni í fyrradag en samkvæmt tilkynningu frá Salt Pay hafði ákvörðunin áhrif á „talsverðan fjölda starfsfólks en þó aðallega þá sem störfuðu við að þróa og viðhalda eldra greiðslukerfi Borgunar.“

Alþjóðlega greiðslumiðlunarfyrirtækið Salt Pay gekk frá kaupum á Borgun í mars 2020 og hóf uppstillingu á starfsemi. Í ársreikningi félagsins fyrir árið 2019 kom fram að starfsmannafjöldi þess á árinu hefði að meðaltali verið 138.

Sem fyrr segir náði hópuppögnin til ríflega 50 starfsmanna en við það bætast um 50 uppsagnir á síðasta ári. Má því ætla að minnst 100 starfsmönnum hafi verið sagt upp hjá Salt Pay frá byrjun síðasta árs. Aftur á móti hefur Salt Pay sagst hafa ráðið tugi starfsmanna á tímabilinu.

» Ætla má að minnst 100 starfsmönnum hafi verið sagt upp hjá Salt Pay frá byrjun síðasta árs.

Eins og greint var frá í Markaðinum greiddi Salt Pay 27 milljónir evra, jafnvirði um 1,2 milljarða króna, fyrir 96 prósentu hlut í Borgun, sem var í meirihlutaeigu Íslandsbanka, en við undirritun kaupsamnings átti verðið að vera 35 milljónir evra. Þannig lækkaði kaupverðið um 8 milljónir evra vegna þeirra neikvæðu efnahagsáhrifa sem kórónaveirufaraldurinn hefur haft á rekstur félagsins.

Ekki var samstaða um söluna til Salt Pay, sem er meðal annars í eigu Ali Mazanderani, stjórnarmanns í Creditinfo, í stjórn Borgunar. Sumir stjórnarmenn töluðu fyrir því að breyta starfsleyfi Borgunar úr því að vera lánafyrirtæki, sem felur í sér meiri íþyngjandi eiginfjárkröfur af hálfu Fjármálaeftirlitsins, yfir í greiðslustofnun, rétt eins og Valitor gerði í ársbyrjun 2020. – þfh

Líkur á að verðbólga hjaðni en óvissuþættirnir vofa yfir

Grunnsviðsmynd greinenda gerir ráð fyrir hjaðnandi verðbólgu en ýmsir óvissuþættir geta flækst fyrir til skamms og langs tíma. Seðlabankinn ekki sagður líklegur til að bregðast við óhagfeldri þróun með snemmbúinni hækkun vaxta. Má að miklu leyti rekja til þátta sem vextir bankans hafa lítil áhrif á.

Þrátt fyrir að spár greinenda geri ráð fyrir að verðbólgan leiti aftur niður í verðbólgu markmið Seðlabanka Íslands geta ýmsir óvissuþættir orðið til þess að hún verði erfið viðureignar fyrir bankann.

„Það hefur komið mörgum á óvart hversu seig verðbólgan er. Margt af því sem liggur á baki mætti flokka sem einskiptisliði en aðrir þættir eins og til að mynda vaxandi launakostnaður héraendis valda áhyggjum til lengri tíma lítið,“ segir Valdimar Ármann, forstöðumaður eignastýringar Arctica Finance.

Síðastliðna tólf mánuði hefur vísitala neysliverðs hækkað um 4,3 prósent. Mars var þriðji mánuðurinn í röð þar sem verðbólga var yfir efri vikmörkum verðbólgu markmiðs Seðlabankans.

Daníel Svavarsson, forstöðumaður hagfræðideildar Landsbankans, telur líklegast að verðbólgan muni hjaðna á næstu mánuðum og verði komin niður í 2,5 prósentu markmið Seðlabankans í lok þessa árs eða byrjun næsta.

„En hún gæti tekið beygjur á leiðinni. Það eru ýmsir óvissuþættir sem gætu haft áhrif á þessa þróun,“ bætir Daníel við. Á meðal þeirra er þróun verðbólgu erlendis, sérstaklega í Bandaríkjunum, sem gæti smitast hingað til lands í gegnum verðlag innfluttra vara. „Þetta eru þó tímabundnir þættir vegna truflana í framleiðslu og hækkanandi flutningskostnaðar. Þegar COVID-áhrifin hafa gengið yfir ætti ástandið að verða eðlilegt á ný.“

Þá gæti aukinn þrýstingur á húsnæðismarkaði valdið því að verðbólgan verði þrálátari en Seðlabankinn myndi vilja. Helstu kraftarnir sem toga verðbólguna niður eru hins vegar gengisstyrking krónunnar frá áramótum og framleiðslulaki í hagkerfinu.

Aðspurður segir Daníel þó ólíklegt að Seðlabankinn hækki vexti á allra næstu mánuðum til að bregðast við óhagfeldri verðbólguþróun.

„Óvissuna má að miklu leyti rekja til þátta sem vextir Seðlabankans hafa lítil áhrif á, svo sem innflutta verðbólgu og olíuverð. Seðlabankinn getur notað vaxtahækkanir til að kæla fasteignamarkaðinn en hann hefur einnig önnur tól, eins og að þrengja lántökuskilyrði. Það væri óskynsamlegt að hækka vexti áður en hagkerfið er komið út úr samdráttarskeiðinu,“ segir Daníel.

Valdimar segir það athyglisvert að Seðlabankinn virðist hafa meiri áhyggjur af þenslu hagkerfisins í



Seðlabankinn virðist hafa meiri áhyggjur af þenslu í framtíðinni en kólnun hagkerfisins í dag. FRÉTTABLAÐIÐ/ANTON

Verðbólga í vegi fyrir magnbundinni íhlutun

Í síðustu fundargerð peningastefnunefndar Seðlabanka Íslands ræddi nefndin heimild bankans til kaupa á skuldabréfum ríkissjóðs á eftirmarkaði. Þar kom fram að þróun verðbólgunnar væri ein af ástæðunum fyrir því að bankinn hefði ekki nýtt heimildina í meiri mæli.

„Í ljósi þess að verðbólga væri enn yfir markmiði væri ekki ráðlegt að bankinn beitti sér af krafti á skuldabréfamarkaði,“ segir í fundargerðinni. Halli á

ríkissjóði hefði einnig verið minni í fyrra en búist var við í upphafi faraldursins og því hefði verið minni þörf á skuldabréfa-kaupum bankans. Hins vegar væri útlit fyrir aukinn halla á ríkissjóði á þessu ári og því væri mikilvægt að fylgjast áfram náið með þróuninni á skuldabréfamarkaði.

„Hjaðni verðbólga að markmiði gæti skapast svigrúm til kröftugri innkomu bankans ef þörf verði á.“

framtíðinni heldur en kólnun þess í dag, sem birtist meðal annars í atvinnuleysistölum.

„Seðlabankinn hefur sífellt minnt á að hann geti þurft að hækka vexti og itrekað bent á að bankinn og stjórnvöld geti ekki bæði stigið samtímis á bensingjöfina. Seðlabankinn og stjórnvöld hljóta að geta gengið að einhverju leyti í takt en ekki unnið á móti hvort öðru alltaf.“

Verðbólguvæntingar hafa verið að stíga upp á við jafnt og þétt frá áramótum. Vorkannanir Gallup benda til þess að stjórnendur fyrirtækja vænti 3 prósentu verðbólgu að ári liðnu og að heimili búist við 4 prósentu verðbólgu.

Í síðustu fundargerð peninga-

stefnunefndar kom fram að nefndarmenn hefðu áhyggjur af því að verðbólguvæntingar hefðu hækkað lítillega þótt of snemmt væri að álykta um hvort kjölfesta þeirra við verðbólgu markmið bankans hefði veikt.

Væntingar stjórnenda fyrirtækja um meðalverðbólgu á næstu fimm árum hækkuðu einnig, um 0,3 prósentustig, og námu 2,8 prósentum. Verðbólguálag á skuldabréfamarkaði til fimm og tíu ára hefur jafnframt þokast upp.

„Það sem vekur sérstaka athygli á skuldabréfamarkaðnum er að verðbólguvæntingar til lengri tíma hafa hækkað meira heldur en væntingar til skemmri tíma. Það gæti valdið Seðlabankanum ein-

Það væri óskynsamlegt að hækka vexti áður en hagkerfið er komið út úr samdráttarskeiðinu.

Daníel Svavarsson, forstöðumaður hagfræðideildar Landsbankans

hverjum áhyggjum. Engu að síður eru væntingarnar ekki komnar fram úr sér og eru til að mynda enn undir núverandi ársverðbólgu sem sýnir að markaðurinn gerir enn ráð fyrir að verðbólgan í lengist ekki,“ segir Valdimar Ármann.

Birgir Haraldsson, sjóðsstjóri hjá Akta, birti grein í Markaðinum í síðustu viku þar sem hann færði rök fyrir því að ekki væri útilokað að væntingar um vaxtahækkanir Seðlabankans tækju miklum breytingum á næstu misserum. Ekki sist ef verðbólgu sviðsmyndin súrnar vegna versnandi verðbólguvæntinga heimila og fyrirtækja.

„Allar hækkanir á þessum mælikvarða héðan í frá myndu þýða verstu niðurstöðu mælinga síðan í ársbyrjun 2014 og vekja upp réttmætar spurningar um hvort kjölfesta verðbólguvæntinga við verðbólgu markmiðið sé rofin og verðbólguvandinn þannig að umbreytast í viðvarandi vanda-mál,“ skrifaði Birgir.

thorsteinn@frettabladid.is

Áformað að hlutafjárútboð Síldarvinnslunnar hefjist 10. maí

Stjórnendur og ráðgjafar Síldarvinnslunnar, sem hafa á undanförunum vikum unnið að undirbúningi að skráningu félagsins á hlutabréfamarkaði í Kauphöllinni, stefna nú að því að boða til almenns hlutafjárútboðs dagana 10. til 12. maí næstkomandi, samkvæmt heimildum Markaðarins. Skráning útgerðarfyrirtækisins á markað mun í kjölfarið fara fram síðari hluta næsta mánaðar.

Frumkynningar á félaginu með fjárfestum, einkum lífeyrissjóðum, verðbréfasjóðum og fjárfestingafélögum, hófust í síðasta mánuði en á næstu dögum er boðað til frekari

fundahalda þar sem fjárfestar munu fá ítarlegri upplýsingar í tengslum við útboðið, meðal annars hversu stór hlutur verður boðinn til sölu, á hvaða verði og eins hvaða hluthafar í Síldarvinnslunni ætli að selja.

Ljóst er að fjórðungshlutur í félaginu verður að lágmarki seldur í útboðinu og þá hefur eins komið fram í máli Þorsteins Más Baldvínssonar, forstjóra Samherja sem heldur utan um 45 prósentu hlut, að útgerðarrísinn muni selja eitt-hvað af sínum bréfum í Síldarvinnslunni. Aðrir helstu hluthafar eru Kjálkanes, sem er í eigu ein-



Eigð fé Síldarvinnslunnar var um 49 milljarðar króna í árslok 2020.

staklinga sem einnig eiga útgerðina Gjögur, með ríflega 34 prósentu hlut, en þriðji stærsti hluthafinn er svo Samvinnufélag útgerðarmanna í Neskaupstað.

Rætt hefur verið um að virði Síldarvinnslunnar kunnist að vera um eða yfir 100 milljarðar króna sem þýðir að fjórðungshlutur í fyrirtækinu yrði þá seldur á um 25 milljarða króna. Til samanburðar er markaðsvirði Brims, sem er í dag eina útgerðarfyrirtækið í Kauphöllinni, um 106 milljarðar.

Samkvæmt nýjum ársreikningi Síldarvinnslunnar var hagnaður af rekstri hennar á síðasta ár um 39,3

milljónir Bandaríkjadala, jafnvirði um fimm milljarða króna, og hélst nokkuð stöðugur frá fyrra ári þegar hagnaðurinn var 40,5 milljónir Bandaríkjadala.

Rekstrartekjur fyrirtækisins minnkuðu um 6 milljónir dala og námu 184 milljónum dala.

EBITDA-framlegð félagsins var 32,1 prósent og nam átta milljörðum króna. Mælt í erlendri mynt dróst EBITDA Síldarvinnslunnar saman um 6,5 prósent frá árinu 2019. Eiginfjárlutfall samstaðu Síldarvinnslunnar var 68 prósent við lok árs 2020 og eigið fé félagsins um 49 milljarðar. – hae

Ósanngjarnar byrðar



Anna Hrefna Ingimundardóttir
forstöðumaður
efnahagssviðs
Samtaka atvinnu-
lífsins

Mikið hefur verið rætt um sjálfbærni á undanfórnum árum í tengslum við umhverfismál. Þetta hugtak á þó ekki síður við þegar kemur að rekstri hins opinbera en svo virðist sem stjórnmálamenn hafi margir hverjir ekki enn áttað sig á því. Samkvæmt lögum ber yfirvöldum að tryggja ýmiss konar réttindi og þjónustu um ókomna tíð. Hvort sem það er heilbrigðisþjónusta, skólavist, fæðingarorlof, örorka eða ellilífeyrir, þá treystum við á að auðlindir okkar og mannaúdur muni standa undir fjármögnun þessara réttinda þegar fram í sækir. Það er þó alls ekki sjálfgefið að svo verði.

Lög um opinber fjármál, sem tóku gildi 2016 eftir ítarlegt samráð við Alþjóðagjaldeyrissjóðinn, voru stórt framfaraskref í átt að aukinni ábyrgð í opinberum fjármálum. Sjálfbærni er raunar eitt af fimm grunnildum laganna auk varfærni, stöðugleika, festu og gagnsæi og felst í því að „opinberar skuldbindingar séu viðráðanlegar til skemmi og lengri tíma og leggi ekki ósanngjarnar byrðar á komandi kynslóðir“, líkt og segir í lögnum.

Lögin dattu ekki af himnum ofan. Fjármálaáfallið afhjúpaði veikleika og vanmetna áhættu víðar en í fjármálakerfinu. Í greinargerð með lögnum segir til að mynda: „Sveitarfélögin voru mörg hver orðin mjög skuldsett og svo mjög að skuldavandinn ógnaði sjálfbærni fjármála þeirra og þar með getu þeirra til þess að sinna lögbundnum verkefnum til framtíðar. Skuldaaukninguna mátti rekja til ónógs aðhalds í rekstri og þess að viðunandi öryggis hafði ekki verið gætt í fjárfestingum, lántökum og ráðstöfun eigna af hálfu sveitarfélaganna. Við fall íslensku krónunnar haustið 2008 hækkuðu skuldir enn fremur um leið og tekjur drógust saman.“

Á kjörtímabili núverandi ríkisstjórnar hefur fjármálastefnan

verið endurskoðuð tvisvar og lögum um opinber fjármál vikið til hliðar um fimm ára skeið í ljósi forsendubrests í efnahagslífinu. Varasamt er að ganga lengra í þessum efnun en brýn nauðsyn krefur. Þó að efnahagshorfur hafi versnað á skömmum tíma þarf engu að síður að tryggja aðhald í fjármálum hins opinbera, sem hefur dreift og frestað vandanum en ekki leyst hann.

Deila má um vídeigandi viðbrögð við þeim fjölbreyttu áskorunum sem efnahagslífið, og þar með ríkissjóður, hefur staðið frammi fyrir seinustu misseri. Samkvæmt nýju álitu sendinefndar Alþjóðagjaldeyrissjóðsins hefur gott samspil hagstjórnartækja, skjót viðbrögð og vel útfærðar aðgerðir stutt vel við heimili og fyrirtæki hingað til. En ekki er hægt að halda hagkerfinu í gjörgæslu endalaust. Áherslur í opinberum fjármálum munu nú þurfa að færast frá neyðarástöðu yfir í arðbæra fjárfestingu innviða til stuðnings fjölbreyttu atvinnulífi, eins og fjármálaáætlun ríkisstjórnarinnar tilgreinir og AGS fagnar. Þó að efnahagsaðgerðir hafi hingað til heppnast vel er óumdeilt að veiran hefur valdið verulegu tjóni og vegurinn fram á við því torfærari en ella. Úr takmörkuðum fjármunum verður að ráða.

Árangurstenging ríkisfjármála

Reglulega þarf að minna útgjalda glæða frambjóðendur á þá staðreynd að auknar fjárheimildir eiga aldrei að vera sérstakur útgangspunktur í stjórnmálumráðunni. Enda felast verðmætar umbætur oft í breyttu hugarfari og nýrri nálgun fremur en meiri fjármunum. Auknar fjárveitingar einar og sér stytta hvorki biðlista né umferðartíma. Þær bæta hvorki námsárangur né auka skilvirkni ferla. Það gerir hins vegar lausnamiðað fólk sem er tilbúið að hugsa út frá sjónarhóli notandans og koma í gegn umbótum þó óvinsælar séu.

Sjálfbærni er innbyggð grundvallarforsenda í fyrirtækjarekstri. Hagræðing og skynsamleg tilhögun fjármuna er því eilíft úrlausnarefni þar sem kröfur og endurgjöf viðskiptavina veita verðmætt aðhald. Hvatar eru öðruvísi stilltir hjá hinu opinbera. Þar er barist um bitana og virðast auknar fjárheimildir oft vera sjálfstætt markmið, óháð því hvernig þeim fjármunum almennings er varið eða hvort margum-

Við erum eftirbátar annarra OECD-landa þegar kemur að árangurstengingu ríkisfjármála.

töluð sjálfbærni sé tryggð. Fyrir nokkrum árum var til að mynda hvatt til þess að 11 prósentum af landsframleiðslu yrði varið til heilbrigðismála án þess að nokkur tilraun væri gerð til að tilgreina hvert markmið fjárheimildanna væri eða hvernig þetta hlutfall ætti að þróast með öldrun þjóðar. Erfitt er að undirstrika nægilega hversu röng þessi nálgun er.

Hagræðing er ekki tiskuorð heldur stöðug vegferð sem á ekki síður við hjá hinu opinbera en fyrirtækjum og heimilum. Hún þarf ekki að fela í sér skerðingu á þjónustu sé vel að henni staðið, þvert á móti. Því til stuðnings má nefna og hrósa stafrænni vegferð núverandi ríkisstjórnar. Í stað þess að byrja á öflugum enda er verkefnið fram undan að viðurkenna og greina stærstu vandamál hvers málaflökks. Síðan þarf að setja töluleg markmið varðandi úrlausn þeirra, þar sem notandi þjónustunnar er settur í fyrsta sæti, og markmiðunum náð fram með eins skilvirkum hætti og völ er á. Að því loknu þarf raunverulega eftirfylgni svo hægt sé að meta árangurinn og aðlaga stefnu stjórnvalda til samræmis. Við erum eftirbátar annarra OECD-landa þegar kemur að árangurstengingu ríkisfjármála. Um hvernig megi gera bragarbót á, ættu komandi kosningar að snúast.

Til að forðast megi íþyngjandi skattahækkningar kemur fátt annað til greina en aukin hagræðing og árangurstenging ríkisfjármála. Að öðrum kosti blasir við viðvarandi hallarekstur sem hleypur á hundruðum milljarða króna og ekki sér fyrir endann á. Varla getur mörgum hugnast slík framtíðarsýn, sem vissulega felur í sér þungar og ósanngjarnar byrðar á komandi kynslóðir – skattgreiðendur framtíðarinnar.

Samhljómur í álitu AGS og SI



Sigurður Hannesson
framkvæmdastjóri Samtaka iðnaðarins

Mikinn samhljóm má finna í nýju álitu sendinefndar Alþjóðagjaldeyrissjóðsins og álitu Samtaka iðnaðarins á þeim efnahagsvanda sem við okkur blasir. Vil ég nefna fjögur atriði sérstaklega.

Í fyrsta lagi bendir AGS á að Ísland geti ekki reitt sig á ferðaþjónustu og að of mikil áhersla á ferðaþjónustu hafi verið veikleiki í hagkerfinu. Auka þurfi fjölbreytni í íslensku efnahagslífi. Undir þetta má sannarlega taka og nú er rétti tíminn til að byggja upp nýjar greinar í stað þess að veðja öllu á ferðaþjónustuna og ætla síðar að huga að framtíðinni. Hugum að framtíðinni núna.

Í öðru lagi telur AGS að besta leiðin til að auka fjölbreytni í íslensku efnahagslífi sé með því að virkja hugvitid í meiri mæli. Það

verður gert með áframhaldandi og aukinni áherslu á vöxt hugverkaiðnaðar, með áframhaldandi skattahvötum vegna rannsókna og þróunar, með því að gera frumkvöðlum auðveldara um vik að sækja fjármagn og með því að liðka fyrir komu erlendra sérfræðinga og erlendri fjárfestingu. Þetta rímar við áherslur Samtaka iðnaðarins undanfarin ár.

Í þriðja lagi bendir AGS á að umbóta sé þörf á vinnumarkaði þannig að Ísland standi betur að vigi í alþjóðlegri samkeppni og styðji við vöxt hugverkaiðnaðar í stað þess að hefta hann. Lítið hefur farið fyrir þessu í umræðunni en það er staðreynd að til þess að auka fjölbreytni í hagkerfinu og skapa ný og eftirsótt störf mun reyna meira á stjórnmálamenn og aðila vinnu- markaðarins að skapa alþjóðlega samkeppnishæft umhverfi hér á landi. Það er í anda þess að auka verðmætasköpun – stækka kóku- una – en ekki bara að takast á um skiptingu takmarkaðra gæða sem er oftar en ekki ráðandi.

Í fjórða lagi er staðan á húsnæðis- markaði AGS umhugsunarefni og er varað við ofhitnun markaðar-

Öllu skiptir að við lærum af fortíðinni og nýtum tækifærið nú til að byggja undir fjölbreyttara og sterkara atvinnulíf.

ins. Það er alveg ljóst að vandinn verður ekki leystur nema með því að byggja fleiri íbúðir. Úrræði til að draga úr eftirspurn duga ekki. Það gerist á sama tíma og þörf er á auknum umsvifum í hagkerfinu. Kastljósið beinist nú að sveitarfélögunum. Það þarf fleiri lóðir og það þarf hraðari afgreiðslu mála. Annars er hætt við ófremdarástandi á húsnæðismarkaði næstu árin.

Ný sókn atvinnulífsins og endurreisn efnahagskerfisins er fram undan. Öllu skiptir að við lærum af fortíðinni og nýtum tækifærið nú til að byggja undir fjölbreyttara og sterkara atvinnulíf í stað þess að leitast við að endurreisa hagkerfið eins og það var. Leið vaxtar er farsælasta leiðin.



FJÁRFESTING Í SJÓÐUM ER GÓÐUR VALKOSTUR


TIL AÐ ÁVAXTA PENINGA TIL SKEMMRI OG LENGRI TÍMA



ÍSLENSK VERÐBRÉF

Kynntu þér árangur og úrval ÍV sjóða á WWW.IV.IS

— síðan 1987 —



Kaup, sala og samruni fyrirtækja.

- Verðmat
- Ráðgjöf og undirbúningur fyrir sölumeðferð
- Milliganga um fjármögnun
- Samningagerð



kontakt@kontakt.is | 414 1200 | www.kontakt.is

HVER VANN?

Sportíð á frettbladid.is færir þér allar nýjust fréttirnar úr heimi íþróttanna.



Ekki missa af neinu, fylgdu Fréttablaðinu á Facebook



SKOÐUN

Þorsteinn Friðrik
Halldórsson



Togstreita

Stjórnarseta í lífeyrissjóði er ábyrgðarmikið hlutverk. Það er ekkert svigrúm fyrir pólitísk átök á stjórnarfundum þegar lífsgæðin á ævikvöldi landsmanna eru að veði.

Í síðustu viku komst fjármálaeftirlit Seðlabanka Íslands að þeirri niðurstöðu að Lífeyrissjóður verzlunarmanna hefði ekki gætt að því að meta hæfi einstakra stjórnarmanna við undirbúning og ákvörðun um hvort sjóðurinn tæki þátt í hlutfjárútboði Ícelandair.

Markaðurinn greindi í kjölfarið frá því að ávitur fjármálaeftirlitsins hefðu að miklu leyti snúist um aðkomu stjórnarmanns, sem situr í stjórnnum bæði VR og lífeyrissjóðsins, að þeirri ákvörðun í ljósi þess að hann hefði áður stutt tilmæli VR um að sniðganga útboðið.

Þrátt fyrir að stjórnarmaðurinn hafi sýnt þekkingarleysi á hlutverki stjórnarmanna – eða það sem verra er: Virðingarleysi gagnvart hlutverkinu – situr umræddur stjórnarmaður enn í stjórn lífeyrissjóðsins. Helmingaskipti atvinnurekenda og VR í stjórn sjóðsins koma í veg fyrir að sjóðfélagar sparki þeim sem eru ekki starfi sínu vaxnir.

Annar stjórnarmaður, sem einnig situr í stjórnnum VR og lífeyrissjóðsins en studdi ekki tilmælin, hafði eðlilegri sýn á hlutverk sitt. „Það eru ákveðnar reglur sem gilda um stjórnir í lífeyrissjóðum og menn eiga að vera sjálfstæðir í störfum. Ég hef það að sjálfsgöðu í heiðri,“ sagði hann. Þetta er ekki mjög flókið.

Góðu fréttirnar eru þær að Seðlabanki Íslands tekur því ekki af léttúð að vafi leiki á sjálfstæði stjórnarmanna. Fjármálaeftirlit bankans hefur nú þegar krafði ellefu lífeyrissjóði um breytingar á samþykktum til þess að skýrt sé hvort mögulegt sé að afturkalla umboð stjórnarmanna.

Eftir sem áður þurfa sjóðfélagar ákveðinna sjóða að sætta sig við það að hagsmunasamtök skipi í stjórnir sjóðsins. Og þar liggur rót vandans.

Tillaga um að lífeyrissjóðurinn myndi skrá sig fyrir hlut í útboði Ícelandair féll á jöfnum atkvæðum þar sem fjórir stjórnarmenn greiddu atkvæði með og fjórir greiddu atkvæði gegn. Fulltrúar atvinnurekenda í stjórn sjóðsins studdu tillöguna en fulltrúar stéttarfélagsins VR greiddu atkvæði gegn henni. Skipting atkvæðanna var engin tilviljun heldur endurspegladi hún togstreitu milli tveggja ólíkra fylkinga. Það er ólíðandi fyrir sjóðfélaga.

Tilkynnt um 163 skortstöður

Fjármálaeftirliti Seðlabanka Íslands bærust 163 tilkynningar um skortstöður í þrettán skráðum félögum 2020. Af þeim voru 53 tilkynningar um stöður á bilinu 0,1-0,2 prósent af hlutfé. Þetta kemur fram í ritinu Fjármálaeftirlit sem Seðlabankinn gefur út.

Fleiri en ein tilkynning getur tilheyrð sömu stöðunni þar sem tilkynna þarf um allar breytingar á stöðu sem nema meira en 0,1 prósent af hlutfé skortselds félags. Fari skortstaðan hins



Unnur Gunnarsdóttir.

vegar yfir 0,5 prósent af hlutfé félags verður að upplýsa um það opinberlega.

Síðasta opinbera skortstaðan var skortsala fagfjárfestastjóðsins Algildis í Reitum. Stærst var staðan um miðjan september þegar hún nam 0,81 prósent af hlutfé félagsins.

Á tímabilinu mars 2020 til mars 2021 voru viðmiðunarmörk vegna tilkynninga um skortstöðu lækkuð úr 0,2 prósentum í 0,1 prósent og bærust því fleiri tilkynningar en ella. – pfh

17.04.2021

Ég hef aldrei verið eins spenntur fyrir neinu á ævinni og tækifærinu sem Play hefur til að ná árangri.

Birgir Jónsson, nýr forstjóri Play



Ertu að flytja?

VIÐ GEFUM ÞÉR KASSANA



Komdu í viðskipti, það tekur aðeins eina mínútu að skipta. Allir sem skrá sig hjá Orkusölunni fá fría kassa.

orkusalan

Komdu yfir í stuðið á orkusalan.is

Sterkari saman í sátt við umhverfið

LITRÓF

GuðjónÓ

Prenttækni

Vatnagörðum 14 · 104 Reykjavík
litrof@litrof.is · 563 6000